



UPA 2026/48 – UPA 2026/50

5/5-2026

Justus Hansen

Siunnersuut uunga: Kalaallit Nunaanni angallannermut inatsisip allannguutaa (nunap isikkua eqqarsaatigalugu sumiiffinni biilinit oqinnerusunut, biilinilu taakkunannga aquttunut niaqqumut illersuuteqarnissamut piumasaqaat) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut

(Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoq)
(Siullermeerneqarnera)

Uunga siunnersuut: Kalaallit Nunaannut angallannermut inatsisip allangortinneqarnissaanut inatsit (Kalaallit Nunaanni misissuisarnermik aqqissuussinermik pilersitsineq) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut

(Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoq)
(Siullermeerneqarnera)

Qujanaq Naalakkersuisut siunnersuutitut, tamarmik angallannermut inatsimmik allannguutissanik pingaarutilinnik imaqartunut.

Angallannermi isumannaallisaaneq pineqartillugu inuit pineqartarput. Ulluinnarni toqqissisimanissaq pillugu, toqqissisimasumik angallannissamut aammalu ajutoorani ajoquseranilu qanigisanut angerlarnissamut tunngassuteqarluni. Tamanna ataatsimoorluta akisussaaffigaarput. Innuttaasutut, oqartussaasutut aammalu Inatsisartutut. Taamaattumik pingaaruteqarluinnarpoq, malittarisassatta sinaakkutittalu inerisartuarnissai, nunatsinni tamarmi isumannaatsumik akisussaassuseqartumillu angallassinnaaneq anguniarlugu.

Tamanna aallaavigalugu siunnersuutitut tigussaasunut saassaaga.

Maani nunatsinni misissuisarnermik aqqissuussinermik pilersitsinissaq angallannikkut isumannaallisaanermut annertusaanissamut alloriarneruvoq pingaarutilik. Ullumikkut qamutit assakaasullit teknikkikkut pitsaassusaasa nakkutigineqarnerat killeqarpoq, tamannalu kinguneqarluni, qamutit assakaasullit aqqusinerni angallannerat isumannaallisaanikkut naammattumik nakkutigineqaratik. Siunnersuuteqarnermi suliniutit aqqissuulluakkat periarfissinneqassapput, qamutit assakaasullit nakkutigineqarsinnaalerlutik unitsinneqarlutillu, ajoquseeriaannaasutut paasineqarpata.

Ineriartorneq pisarialik. Qamutit assakaasullit naammaginatsumik pitsaassuseqanngippata, ingerlatsisuinnaq, ulorianartorsiortinneqarneq ajorpoq. Aqqusinikkulli angallattut tamarmik ulorianartorsiortinneqartarlutik. Taamaattumik nakkutilliinerup annertunerusup ajutoornissat pinaveersaartissavai angallannermilu toqqissisimanerunissaq pilersissallugu. Tassungalu ilutigalugu



ilalernarpoq, aaqqiissummik nassaartoqarsimanera, kalaallit nunaanni pissutsinut immikkut ittunut tulluuttumik aammalu qulakkeerinnittumik, aaqqissuusaq akisussaassuseqartumik ingerlanneqarsinnaasoq innuttaasunut pisariaqanngitsumik nanertuutaanngitsumik. Siunnersuut eqqarsaatigilluagaarpasippoq piviusorsiorpalaarlunilu, aammalu pingaarutilimmik alloriarnerulluni angallannermut aaqqissuussamut ullutsinnut tulluunnerusumik peqalernissamut.

ATV aamma UTV ingerlatsinissamut allagartaqarnissamut aammalu eqqussinermut piumasaqaatinik eqqussinissamik malittarisassat allangornissaanut siunnersuutit piumasaqaatinut assigiinngitsorujussuarnut, nunatsinni atuuttuniit aallaaveqarput.

Nunaqarfippassuarni ulluinnarni avinngarusimaneq ingerlatsisinnaanermullu allagartaqalernissamut periarfissat killeqarput. Tamanna innuttaasunut, suliffeqarfinnut pisortanullu unammillernartuuvoq. Uuminnga siunnersuuteqarnermi pisarialimmik eqaallisaasoqassaaq, ulluinnarni pisariinnerulersitsisumik, isumannaallisaaneq ajorseriartingikkaluarlugu.

Tamanna silatusaartumik oqimaaqatigiisitsineruvoq. Kiffaanngissusermik annertunerusumik tunisivoq, pissutsinut iluaqutaasoq, taamatullu assakaasulinnik ingerlatsisunut ilaasunullu illersuutininik niaqorortinnaveeqquteqarnissamik piumasaqaateqalerluni. Taamaaliornikkut angallaneq isumannaallisaanerlu tunngavilersorneqassallutik.

Ataatsimut isigalugit siunnersuutit marluk, immikkut angallannermut isumannaallisaanerlut iluaqusiisussat aammalu nuna tamakkerlugu innuttaasunut naleqqunnerusumik sinaakkusiisussat. Aaqqiissutit, piviusumit aallaavillit aammalu akisussaaffimmik kiffaanngissusermillu oqimaaqatigiisitsisut.

Tamanna tunngavigalugu Demokraatit innersuussutigaat siunnersuutit marluk tamarmik akuerineqassasut Sanaartornermullu ataatsimiititaliami suliareqqitassatut innersuullugit.